

NAHITAEZKO MUGIKORTASUNERAKO EKITALDIAK ARAUTZEKO JARRAIBIDEAK, ESKUALDEKO LANPOSTUETARA BEHIN BETIKOZ ATXIKIRIKO MAISU-MAISTREN KIDEGOKO FUNTZIONARIOEI DAGOZKIENAK

Giza Baliabideen Zerbitzuko zuzendariaren martxoaren 17ko 519/2011 Ebazpenean ezarritakoaren arabera, eskualdean behin betiko destinoa duten Entzumeneko eta Hizkuntzako irakasleen eta egoera ahulean dauden ikasleei (lehenago: gutxiengoak) laguntzeko Programako irakasleen urteroko mugikortasuna egin beharra dago.

NORK HARTUKO DUEN PARTE IKASTETXEAK AUKERATZEKO EKITALDIAN

Mugikortasun prozedura honetan **parte hartu beharko dute**:

- Destinoa eskualdean duten irakasleak, beren ikastetxean edo ikastetxeetan beharra osorik desagertu bada.
- Lekualdatze lehiaketen bidez eskualdean destino berria lortu duten irakasleak.
- Destinoa eskualdean izanik, eskualde horretan ikastetxez aldatzeko prozeduran beren borondatez parte hartu nahi duten irakasleak.
- Aurreko kasuetakoren batean egonik, zerbitzu eginkizunetarako baimena eman zaiona seme-alaba zaintzeko eta aparteko egoeretarako, azken kasu horretan zerbitzu eginkizunetan ikastetxe jakin baterako daudenak izan ezik.

Ez daude urteko mugikortasun **prozedura honetan parte hartzera behartuak** ondoko irakasleak:

- Betetzen duten lanpostua ibiltari izatetik zerbitzuak ematen dituzten ikastetxeetako batean karga lektibo osokoa izatera pasatzen denean.
- Betetzen duten lanpostua ikastetxe bakar batekoa izatetik ibiltari izatera pasatzen denean.
- Betetzen duten lanpostuan, zerbitzuak ematen dituen ikastetxeetako batean irakastordu batzuk edo guztiak desagertzen direnean eta beste ikastetxe batean osa daitezkeenean.

Honako hauek **ezin izanen dute** aukeraketa ekitaldian **parte hartu**:

- 2021-2022 ikasturtean ikastetxe batean zerbitzu eginkizunak esleituta dituztenak.
- Borondatezko eszedentzia emana dutenak lehen urtean lanpostuaren erreserba izanik, betiere eszedentzia-aldia 2021eko irailaren 1ean hasten bada.
- 2021-2022 ikasturterako liberazio sindikal baterako proposamena hartu dutenak.

AUKERAKETAREN HURRENKERA EZARTZEKO IRIZPIDEAK

Eskualdean behin betiko destinoa duten Entzumeneko eta Hizkuntzako irakasleek eta egoera ahulean dauden ikasleei (lehenago: gutxiengo kulturelekoak) laguntzeko Programako irakasle funtzionarioek aukeratu beharko dute kontuan hartuz zein hizkuntzatan lortu zuten lanpostua lekualdatze-lehiaketan eta martxoaren 17ko 519/2011 Ebazpenari jarraikiz:

- Antzintasuna, eskualdea, espezialitatea edo programa behin betiko destinoa izanik duen atxikipenean; borondatezko eszedentziako denbora ez da zenbatuko.
- Antzintasuna behin betiko destinoa duen atxikipenean, borondatezko eszedentziaren denbora zenbatu gabe, dagokion espezialitate edo programan, Nafarroako Foru Komunitateko ikastetxeak banatzen diren eskualdeetako edozeinetan.
- Maisu-maistren Kidegoko funtzionario gisa duten antzintasuna. Abenduaren 30eko 31/1991 Legearen 29. xedapen gehigarriaren arabera kidegoan sarturiko langileen kasuan, Maisu-maistren Kidegoan karrerako funtzionario gisa duten antzintasunari lan-kontratudun finko gisa egiaztatuta dutena gehituko zaio, lehenengo zerbitzu urtea kenduta.
- Maisu-maistren Kidegoan sartzeko hautapen prozeduran lortutako puntuazio handiena.

AUKERATZEKO PROZEDURA ETA EGUTEGIA

Maiatzak 25

- Eskualde bakoitzari atxikitako irakasleen behin-behineko zerrenda argitaratuko da, aukeratzeko jarraitu beharko luketen hurrenkeran antolatua 519/2011 Ebazpenean ezarritako baremoaren arabera.
- Eskualde bakoitzari atxikitako irakasleen behin-behineko zerrendari buruzko erreklamazioak, **Maiatzak 26 eta 27.**

Ekainak 1

- Behin-behineko zerrendak argitaratzea:
 - Nahitaez parte hartu behar duten pertsonak (zerrenda honetan ez dira sartuko parte hartu beharreko egoeretan ez dauden pertsonak).
 - Eskainitako lanpostuak.

Ekainak 2 eta 3

- Borondatezko parte-hartzea eskatzeko epea.

Ekainak 4

- Behin betiko zerrendak argitaratzeko eguna:
 - Eskualde bakoitzari atxikitako irakasleak.
 - Lanpostuak aukeratzeko ekitaldira deitutako irakasleak, eskualdeka.
 - Eskainitako lanpostuak. Lanpostuotan azken orduko aldaketak gertatuz gero, ahoz jakinaraziko dira lanpostuak aukeratzeko ekitaldian bertan.

Ekainak 7

- Lanpostuak aukeratzeko ekitaldia.

AUKERAKETA EKITALDIA

Deituriko irakasleek eskualde bakoitzerako ezarritako hurrenkeran aukeratu beharko dute. Eskualdean deituriko irakasleak baino lanpostu gutxiago egonez gero, irakasleek, bakoitzak lanpostua aukeratzeko duen hurrenkeran, lanpostua hartzeari uko egiten ahalko diote, aukeratzaille adina lanpostu eskaini arte. Arrazoi hori dela-eta, beren eskualdean lanposturik aukeratzeko ez duten pertsonak irakaslanik ez izateagatik ikastetxetik aldarazi dituztenen zerrendan sartuko dira, ekainaren bukaeran destinoak esleitzeko egingen diren jendaurreko ekitaldietarako.

Lanpostuak aukeratzeko ekitaldira joaterik ez duenak beste norbaiti eman beharko dio baimena bere ordeztu dadin. Horretarako, webgunean argitaratuko den dokumentazioa bete beharko du.

Baten bat ez bada lanpostuak aukeratzeko ekitaldira agertzen, Aldi Baterako Langileak Kudeatzeko Zerbitzua haren eskualdean hutsik gelditzen diren lanpostuetako bat emanen dio ofizioz.

LANPOSTUAK

Lanpostuak zehazteko orduan ondoko irizpideak jarraituko dira:

- Funtzionarioek okupatzen ez dituzten lanaldi osoko lanpostu guztiak eskainiko dira.
- Oharretan beste espezialitate batekin konpartituak direla jarria duten lanpostuei ezin izanen zaie uko egin, lanpostu librerik ez badago.
- Hizkuntza eskakizuna duen lanpostu bat aukeratu ahal izateko, irakasleak eskakizun hori izan beharko du.

Lanaldi partzialeko lanpostuak eskainiko dira, eta funtzionarioen batek haietako bat hautatuz gero (adinagatiko murrizketa kasuetan izan ezik) konpromisoa hartuko du lanaldia dagokion heinean laburtzeko eskatzeko, honako taula honen arabera:

	Horario de trabajo. Jornada										
Reducción	2/3	1/2	45%	2/5	1/3	1/4	1/6	1/8	56 años	57 años	58 años
Jornada de la plaza (horas)	9	13	14	15	16	18	21	22	23	22	18

Adinagatiko murrizketa dagokienez kasuan, honelako lanpostuak aukeratzen ahalko dituzte: adin bakoitzari dagokion ordu-murrizketa dutenetatik lanaldi osokoak direnetera. Norberaren adinari dagokion murrizketarekin bat ez datorren lanpostu bat aukeratzen bada eta lanpostu hori lanaldi partzialekoa bada, jada ezin izanen da murrizketa handiagoa eskatu lanaldi horren gainean.

Iruñean, 2021eko maiatzaren 25a

Aldi baterako langileak
kudeatzeko zerbitzua

Isidra Roldán Arróniz